

- Zéllu ih ana bága bi thésa selbun frága:
 irkénni in themo múate, ni dét er iz bi guate:
 Dét er iz then mánnon zi einen frístfrangon,
 thaz sie nan, so ih thír ráchon, mohtin giánabrechon.
 65 'Ir hórtut', quad, 'thaz úngimah, uuío er uuidar góte sprah:
 ni biþhúrfun uuir in uuára nu úrkundono méra.
 Uuaz er selbo hiar nu quit, thaz éigut ir gihórit:
 mánnilih nu thénke, uuaz ínan thesses thúnke.'
 Ther líut tho sar giméinta, zi dóthe nan irdéilta,
 70 quád, thes uuari uuírdig ioh háрто filu scáldig.
 Tho spíun sie óuh ubar tház in ánnuzzi sínaz,
 síh ouh thes ni mídun, lés! sínes hállsragonnes.
 Thiu óugun sie imo búntun (thaz in zi spíle funtun)
 ioh frágetun ginúagi, uuér ínan thanne slúagi.
 75 Thaz tháut er in then stúnton bi únsere stúnton,
 ál io theso fráuli thuruh thío únsere ubili.

35. XX. Duxerunt eum ad Caipham ubi erat et Pilatus.

- Tho léittun nan thie líuti thar uuas thaz héroti:
 ther biscof Káíphas uuas thár ioh ther hérizoho in uuár.
 Giang er selbo ingegin úz thár zi themo pálinzhus:
 sie ni múasun gan so frámm zi themo héidinen man,
 5 Tház sie in then gizitin biuuóllane ni uuártin,
 mit réinidu gisémotin, thie óstoron giféhotin.
 Sie uuíht thoh thes nintriátun, sie mánslahta riátun,
 ni sie thes giuuúagin, sie Kristan irslúagin.
 Sprah ther hérizoho zi in, so er úzgíang ingegin in:
 10 'uuelih rúagstab so frámm zéllét ir in thesan mán?'
 Thes árgen uuíllen hérti gab imo ántuuurti:
 'ob ér', quad, 'uuóla thahti, zi thísu er iz ni bráhti.
 Ni fáer er in then líutin mit grozen méindatin,
 uuír ouh thes ni tháhtin, thaz uuir nan thír brahtin.'
 15 Uuórtun tho ginúagen bigóndun sie nan rúegen,
 thíngeon filu hébigen ioh stúnton filu mángagen.
 Quádun, síh bihíazi, er gotes sún hiazi,
 íoh ouh dati mári, er iro kúning uuari,
 Zélle ouh in giuuíssi, tház er selbo Krist sí,
 20 in thia béldida gígánge, then námon imo félge.
 Quádun, er ni uuólti, thaz man zíns gulti,
 thie líuti furdír méra in thes kéiseres éra;
 Ioh er thie líuti alle spúani zi giuuérre,
 zi grozemo úrheize, in thífu man nan frláze:
 25 'Er es ér io niruuánt, er er állaz thiz lánt
 gidruabta háрто in uuaru mit sínes selbes léru:

61 frága 64 móhtin 66 mera 69 dóde 71 ouh sínaz 74 nan 75 sunton
 76 al 35, 1 thár 2 uuár 3 Giang 5 then gizítin 6 thío 7 nintriátun riátun
 8 irsluagin 9 Spráh zi in 11 argen uuíllen hérti 12 obá 16 managen 19 thaz
 20 félge 22 kéisores era 23 íoh 24 grózemo 25 lant 26 gidruabta hartó uuáru laru.